

НАВРЎЗИНГ МУБОРАК, ЎЗБЕКИСТОНИМ!

Газета 1997 йил
27 августдан чиқа
бошлаган

2000 йил,
21-28 март, № 11-12 (128)

ХУҚУҚ

МУСТАҚИЛЛИК

ДЕМАКДИР

ЎЗБЕКИСТОН РЕСПУБЛИКАСИ
ПРОКУРАТУРАСИНING ГАЗЕТАСИ

*Бугун мустақил
Ватанимизнинг ҳар бир
шаҳару қишлоқларида,
хонадонларида эрта
тонгданоқ улуг байрам
- Наврўз тантаналари
бошланди. Асосий
тантаналар
Тошкентдаги Алишер
Навоий номидаги
Миллий боғда бўлиб
ўтмоқда. Халқимиз
Наврўзни энг олий орзу
- умидларимиз ушалган
бир шароитда кутиб
олмоқда.
Байрамона кайфият
йил бўйи қалбингизни
тарк этмасин, азиз
юртдошлар!
Сизларга энг олий эзгу
тилақларимизни изҳор
этамиз!*

**Наврўзингиз
қутлуғ
бўлсин!**



МУСТАҚИЛ ЮРТИМИЗДА



НАВРЎЗ ТАНТАНАЛАРИ



РЕСПУБЛИКА ПРОКУРАТУРАСИДА

ХАЛҚҚА ХИЗМАТ ҚИЛИШ - ОЛИЙ САОДАТ

Ўзбекистон Республикаси прокуратурасининг кенгайтирилган хайъат мажлисида «Прокуратура идоралари томонидан 1999 йилда қонунчиликни мустаҳкамлаш ва жинойтчиликка қарши кураш борасида амалга оширилган ишларнинг аъни ва 2000 йилдаги вазифалар» муҳокама этилди. Унда Республика прокуратураси бошқарма ва бўлимларининг бошлиқлари ҳамда ўринбосарлари, Қорақалпоғистон Республикаси, вилоятлар, Тошкент шаҳри, Республика Ҳарбий ва Транспорт прокурорлари шунингдек, туман ва шаҳар прокурорлари иштирок этдилар. Кун тартибидagi масала юзасидан Ўзбекистон Республикаси Бош прокурори, II даражали Давлат адлия маслаҳатчиси Рашид Қодиров маъруза қилди.

— Утган йили Ўзбекистон Республикаси прокуратураси идоралари мамлакатда қонунчилиكنи мустаҳкамлаш, давлатимиз қудратини янада ошириш, халқимизнинг тинч-осойишта ҳаётини таъминлаш, фуқароларимизнинг қонун билан муҳофазаланган ҳақ-хуқуқларини ҳимоялаш, ҳаётнинг ва иқтисодиётнинг барча соҳаларида қонунийликка бирдай амал қилинишига эришиш ҳамда аҳоли хуқуқий маданиятини оқсалтириш йўлида самарали фаолият кўрсатдилар.

Ислохотларни ривожлантиришга йўналтирилган ҳукумат дастурлари, Президентимизнинг Фармонлари ва Вазирлар Маҳкамасининг қарорла-

ри ҳар бир прокуратура ходими фаолиятини белгилловчи ва баҳоловчи асосий дастуриламал вазифасини ўтади. Кўпгина прокуратура идоралари жамоалари прокурор назорати таъсирчанлигини ошириш йўлида маълум ютуқларни қўлга киритдилар. Ҳозир буни эътироф этган ҳолда йўл қўйилган камчиликлар ва уларни бартараф этиш ҳақида келишиб олсак, ушбу ютуқларни мустаҳкамлаш йўлида илгарига қараб жуда катта қадам ташлаган бўламиз.

Дастлаб, умумий назорат йўналишидаги фаолиятимиз ҳақида. Президент фармони ва Ҳукумат (Давоми 2-бетда)

«ХУҚУҚ»

юридик газета

Таъсисчилар:

Ўзбекистон Республикаси прокуратураси, Тошкент шаҳар ва Тошкент вилояти прокуратуралари «Конун ҳимоясида» журнали

Бош муҳаррир:

А.АБДУРАЗЗОҚОВ

Таҳрир ҳайъати:

Мэлс Наимов, Бўритош Сайфуллаев, Ботир Пўлатов, Бахтиёр Назаров (Бош муҳаррир ўринбосари), Дилшод Исмолов (масъул котиб), Лола Шомуродова, Зайниддин Мамадалиев

Газета Давлат матбуот кўмитасида №00150 рақам билан рўйхатга олинган Нашр кўрсаткичи — 231, 232

Манзил: Тошкент шаҳри, академик Яхё Фуломов кўчаси, 66-уй. Телефонлар: 77-72-25, 133-82-34

Таҳририятга келган кўлэзма ва суратлар эгаларига қайтарилмайди. Муаллифларнинг фикрлари таҳририят фикридан фарқланиши мумкин. Газетада босилган факт ва далиллар учун муаллиф масъул. Нашримиздан кўчириб босилганда «Хуқуқ»дан олинганлиги кўрсатилиши шарт. Тижорат аҳамиятига молик материаллар ** белгиси остида чоп этилади.

Газета андозаси таҳририят компьютер марказида Pentium-II MMX - 333 компьютерида саҳифаланган.

Саҳифалаш ва дизайн ишларини Б.Саидов бажарган.

Газета «Шарқ» нашриёт-матбаа конерни босмахонасида офсет усулида А-3 форматда чоп этилган. Корхона манзили: Тошкент шаҳри, Буюк Турон кўчаси, 41.

Буюртма Г-232 Нухаси — 23748
Босмахонага топшириш вақти 20.00
Босмахонага топширилди 18.00

Газета ҳафтанинг чоршанба кунлари чиқади

Навбатчи **Н.МАҲМУДОВ**

Сотувда МАҲМУДОВ НАРХДА

1 2 3 4 5 6 7 8

РЕСПУБЛИКА ПРОКУРАТУРАСИДА

ХАЛҚҚА ХИЗМАТ ҚИЛИШ - ОЛИЙ САОДАТ

(Давоми. Бошланғич 1-бетда)

қарорига биноан аҳоли кундалик эhtiёжи учун зарур бўлган 8 хил маҳсулотларнинг савдода - дўконларнинг пештахталарида узлуксиз бўлишига эришиш йўлида эътиборга молик ишлар қилинди. Бирок, бир қатор туманларда кўрғазмага зўр бериш орқали кўзбўямачилик қилиш ҳолларига барҳам берилмаган. Қумқўрғон тумани савдо ташкилотларида бу борада жиддий қонунбузарликларга йўл қўйилган. Ун, ўсимлик ёғи, совун, шакар маҳсулотларини Республикамиздан ташқарига олиб чиқиб кетишга уриниш фактлари ҳамон давом этмоқда.

Маълумки, давлатимиз кам таъминланган, ёш болали оилалар, нафақадорлар ва ногиронларни ижтимоий муҳофазалаш борасида жуда катта ишларни амалга оширмоқда. Бу борадаги ҳар қандай қонунбузарлик мустақилликнинг обрўсига даҳл қилишини ҳеч қачон ёддан чиқармаслигимиз шарт. Шунинг учун ўтган йили маълум миқдордаги нафақа пулларининг кам таъминланган оилаларга тарқатилмай қолгани факти билан мутлақо келишиб бўлмайди.

Ишсизлар сонининг кўпайгани, ўтган йили иш сўраб келганларнинг маълум қисми иш билан таъминлангани бу соҳадаги прокурорлик назоратини янада кучайтириш кераклигини кўрсатади.

Икки мингинчи йилнинг 1 январь ҳолатига иш ҳақидан қарздорлик кескин қамайган. Демак, биз бундан кейин ҳам иш ҳақидан қарздорликни фуқаролар ҳақ-ҳуқуқларининг жиддий бузилиши сифатида баҳолаб, 2000 йилда ҳар бир фуқаро меҳнатига яраша иш ҳақини ўз вақтида тўлиқ тўланишига эришмоғимиз даркор.

Шартнома мажбуриятларининг бажарилиши устидан назоратни кучайтирайлик. Ўтган йили зарар билан аяқунлаган ва фаолиятни тугатилган корхоналар, ҳўжалик субъектларининг мавжудлиги чет эл инвестициясини жалб этиш, кўшма корхоналар тузиш етарли даражада яхши эмаслигини кўрсатади. Валюта тушумига амал қилишда ҳам қонунбузарликлар мавжуд.

Фермерлар, ширкат ва деҳқон ҳўжаликлари фаолиятини ривожлантиришга доир қонунлар ижроси устидан назорат ҳар бир прокуратура ходимининг диққат-марказидаги масала бўлиб қолсин.

Тадбиркорларни кредит билан қўллаб-қувватлашда тартиб ўрнатмай туриб, ишбилармонлиқни кутилган даражада ривожлантириб бўлмаслигини доим ёдда тутайлик. Ахир, бозор иқтисодиётининг турмушимизда тўла қарор топиши кўп жиҳатдан мамлакатимизда тадбиркорликнинг гуллаб-яшнашига боғлиқ-ку!

Республика прокуратураси идоралари бошқа ҳуқуқ-тартибот органлари билан ҳамкорликда жиноятчиликнинг олдини олиш, криминоген вазиятларни қартираф этиш, фуқароларнинг тинчлиги ва осойишталигининг ишончли муҳофазасини таъминлаш борасида катта ишларни амалга ошираётганига қарамай, Хоразм, Қашқадарё, Андижон вилоятларида ва Тошкент шаҳрида жиноятчиликнинг ўсганини барчамизни хушёр тортириши керак.

Ўтган йили 16 февралда Тошкентда рўй берган террористик акт ва Президентимиз ҳаётига суиқасд уюштирган кимсаларнинг қисқа фурсатда фож этилиб, жинойи жаобгарликка тортилиши ушшоқлик ва ҳамкорликнинг ҳуқуқ-тартибот идораларига, шу жумладан прокуратура органларига ҳам жуда катта самара келтиришини амалда яна бир бор тасдиқлади. Биз Ўзбекистондагина эмас, балки кўпгина мамлакатларда ҳали қўрилмаган диний ниқобдаги жинойи гуруҳларга қарши кураш мактабини ўтадик. Диний экстремизминг биз ўйлагандан ҳам яшовчан эканлиги ҳар биримиздан мудом хушёрлик билан ишлашимизни тақозо этади.

Президентимиз «Тафаккур» жур-



нали бош муҳаррири саволларига жавобларида ғояга қарши ғоя, жаҳолатга қарши маърифат билан курашиш масаласига алоҳида ургу берган эдилар. Диний экстремизм, жоҳилиятга берилган кимсаларга қарши курашда ана шу кўрсатмага амал қилайлик. Ҳар бир туманда оддий фуқаролар, айниқса ёшлар орасида муваффақиятли ишлай оладиган тарғибот гуруҳларини тузиш Сизнинг ҳуқуқий ва сиёсий саводхонлигингизга берилган баҳонинг даражасини белгилайди.

Ассосиз жинойи жаобгарликка тортиш, бу борада нотўғри ташланган ҳар бир қадам прокуратура

зими обрўсини кўтарайлик, деди сўзининг пировардида Бош прокурор.

Маърузада таъкидланган танқидий мулоҳазалар юзасидан Қорақалпоғистон Республикаси прокурори Х. Халимов, Тошкент шаҳар прокурори М. Наимов, Тошкент вилоят прокурори Б. Сайфуллаев, Самарқанд вилоят прокурори А. Хусайнов, Сурхондарё вилоят прокурори Ш. Шукуров, Наманган вилоят прокурори Х. Собиров, Яқабғоб туман прокурори И. Холдонмурод тушуштириш бердилар.

Республика прокуратураси умумий назорат бошқармаси бошлиғи

фуқарони очикда қолдириш ҳақидаги моддаларидан ҳам фойдаланайлик. Бизга ёрдам сўраб келганлар кўпаймоқдами, бас, кўрсатилган ёрдам беғараз бўлсин. Бир умр адолат тамойилига амал қилиб, узок йиллар прокуратура идораларида самарали ишлаган кекса ходимлар билан учрашувларни одагга айлантирайлик. Ҳар бир прокуратура ходими, айниқса ёшлар ҳалоллик ва фидоийлик боғи барҳаёт бўлишига ишониб яшасинлар ва ишласинлар.

Бош прокурор ўринбосари Бурхон Бекмирзаев деҳқон, фермер ва ширкат ҳўжаликлари тўғрисидаги қонунлар ижроси прокурор назора-



идоралари обрўсига катта зиён етказида. Ички ишлар идоралари айрим ходимлари томонидан жиноятларни яшириш ва бунинг жинойи оқибатлари ҳақида ҳам афсуски, етарлича қисоллар келтириш мумкин.

Суд раёсатлари йигилишлари ва судларда фуқаролик ишлари қўрилишида прокурорларнинг иштирокини яхшилаш керак.

Туман прокурори ҳар ойда 39 та топширик бўйича юқори идораларга ахборот берар экан, хўш, энди айтинг-чи, прокурор қачон ўзининг асосий иши билан шуғулландаи? Бундай бюрократик иш услубига барҳам бериш пайти келмадими?!

Қадрларни аттестациялаш савиясини кўтариш керак. Ҳар бир прокурор фаолияти баҳоланаётганда унинг иш усули адолат тамойилларига нечоғлик жавоб бериши эътиборга олинди.

Тўғри яшаб, тўғри ишлашга ўрганайлик. Ишимиз, намунали юриштуришимиз билан прокуратура ти-

Х. Маҳмудов ўз сўзида ишни тўғри ташкил этиш, умумий назорат фаолиятини биринчи навбатда ҳуқуқбузарликларнинг олдини олишга, прокурор назоратини эса жамяят тараққибётини ривожлантиришга йўналтириш муаммолари ҳақида гапирди.

Бош прокурорнинг ўринбосари - Республика Ҳарбий прокурори Баҳодир Деҳқонов Ҳайъат мажлисида қабул қилинадиган қарорлар ҳақида гапириб, ҳуқуқий тарғибот ишини прокурор фаолиятининг асосий йўналишларидан бири сифатида белгилашни тақлиф этди.

- Ишимизни, ҳаётини ва ҳуқуқий жараёнларни чуқур таҳлил этиб, энг муҳим вазифаларни белгилаб олишни ўрганайлик, - деди музокарада иштирок этган Республика Бош прокурорининг биринчи ўринбосари Азимжон Эргашев. - Жиноятни баҳоланда қонунларимизнинг инсонпарварлик тамойилига алоҳида аҳамият берайлик. Жиноят кодексига етказилган зарар қопланса,

ти билан қамраб олиниши зарурлигини алоҳида таъкидлади. Ўтган йил якуни бўйича айрим вилоятларда қўшиб ёзиш ҳолатлари аниқланган. Иккинчи «пахта иши» очмасдан, асосий айбдорларни аниқлашга аҳамият берайлик. Президентимиз томонидан илгари сурилган Соғлом авлод йили дастурини ва иқтисодиётни эркинлаштириш вазифаларини муваффақиятли амалга ошириш ҳар бир қонун посбони зиммасига катта масъулият юклайди.

Республика Бош прокурори кенгайтирилган Ҳайъат мажлисига яқун ясар экан, яна бир бор ҳаммасларини адолат тамойилига йўғрилган ҳамкорлик ва ушшоқлик билан прокуратура идоралари обрўсини кўтаришга чақирди. Халққа сидқидилдан хизмат қилиш саодатини байроқ қилиб ишлаган ҳуқуқ посбони ҳеч қачон кам бўлмайди.

Ҳайъат мажлиси муҳокама этилган масала юзасидан тегишли қарор қабул қилди.

Ўз муҳбиримиз.

НАВРҮЗ МУШОИРАСИ

ҚАЛБЛАРГА ИЛҲОМ БАҲШ ЭТАДИ БАҲОР

ҚАЛДИРҒОЧИМ КЕЛА ҚОЛ...

Табиаат ўз кийимини ўзгартирди. Узининг оқ-қора либосини ташлаб, яшил либосини кийганига ҳам ҳали кўп вақт бўлгани йўқ. Бу яшил либос факатгина бир хилқатта мос ва ярашқидир. Бу хилқатнинг номи - БАҲОР.

Бу ажойиб фасл инсониятга янги кун, янги орзу, янги тилак, қолаверса, янги армонлар ҳаёда этади. Яхши гап яхши нарсаларга, яхши ниятларга айтилса ярашади. Баҳор... Қалдирғочсиз баҳорни тасаввур қилиш мумкинми? Йўқ, албатта. Баҳорсиз қалдирғоч, қалдирғочсиз баҳор... бўлиши мумкин эмас.

Бундан бир-икки йил илгари қишлоққа борганимда бир ўртоғим ўзи нувоҳ бўлган воқеани ҳикоя қилиб берганди. Унинг айтишича, уларнинг бир қўшиниси бор экан. Уша қўшинисининг 4-5 ёшлардаги ўғли бир кунги онасига хархаша қилиб

қолибди: «Эна, нима учун ҳамсоямизникида қалдирғоч уяси бор-у, бизникида йўқ?». Онаси боллага бир оғиз бирон нарса дедимки. Бунинг сабаби бор экан. Бир йил илгари у аёл шифтдаги қалдирғоч уясини олиб ташлаган экан, айвонни ифлос қилмасин, деб. Кейинги йил эса... Қалдирғоч қаерга ин қуришини билди. Қалдирғоч уясини бузиш-дўстга қилинган хиёнат деган гап. Яхши кишилар эса дўстларига хиёнат қилмайдилар. Қалдирғочни баҳор элчиси дейишади. Зеро, элчига ўлим йўқ. Лекин, бу сўзларга амал қилмайдиганлар ҳам борлигини юқорида айтдик. Инсониятнинг дўсти ҳисобланмиш бу жониворлар бир қанотиди ризқ-рўз, бир қаноти-да барака билан келади, дейишади. Демак, қалдирғоч ин қурган хонадон ризқ-рўзли ва баракали бўлади. Хўй, азиз муштарий, сизнинг хонадонингизда қалдирғоч уяси борми?

Шерали НИШОНОВ.

Мана, яна гуллади осмон,
Булут сенди заминга атир.
Унут бўлди юракда армон
О, яшагим келаетир.

Уфқларга ташладим назар,
Шамолларда мавжларан майса.
Рух ҳаётга ташналик сезар,
Олам сенга қараб жилмайса.

Гўзал эди, гўзал яна ҳам,
Ҳилпирайдн ҳарир либоси.
Чечакниям кўрсатар кўркам,
Қизғалдоқдай қизлар ибоси.

Бўй кўрсатди олам янгидан
Кўз олдима севгининг расми.
Апрелинги оппоқ тоғида,
Яшаш Сизга осон эмасми?

Осмон оқ либосда оҳиста -
Оҳиста тушади ўзинга.
Бир қушча қайдадир олисда
Сайрайди недандир суюнган.

Гул кўзи наманлар ёшлардан
Дилида йўқ алам, йўқ алам.
Тоғларда, боғларда, даштларда,
Чўлларда кўкалам, кўкалам.

Шодланиб шеър айтар шаббода
Аллааб навиҳола майсани.
Сўзлари шириндир наводай,
- Сев мени, сев мени, сев мени.

Қарайман, сел бўлар юрагим,
Толмида севинчлар мавжланиб.
Бир кўшиқ куйлади табиаат,
Тобора авжланиб, авжланиб...

Ҳасан КАРВОНЛИ

ЧИНОР

Ҳижронга чидаса чинор чидарди,
Япроқларин тўкмай тураверарди.
Мангу яшилликнинг салтанатида
Шоҳона айшини сураверарди.

Ҳижронга кўнкса тоғлар кўнарди,
Бағрида лолалар йиғламасди қон.
Кўкка етган бошни қолмасди оқ,
Оҳ урса отилиб кетмасди аўқон.

Ҳижронга чидаса чидар эди ой,
Юлдузларни йиғиб сабр солмасди.
Ярим тунлик соғинчлар учун
Ярим кунга кетиб қолмасди.

Не қилай, чинордай кучли эмасман,
Тоғдай улкан, ойдай кўкда бўлмасам,
Не қилай, меҳрини жойлаб кўксинга,
Асираниш йўқлаб бир бор келмасанг.

Не қилай, соғинч йиқса чинорни,
Ойда ҳам, тоғда ҳам бўлмас тоқат.
Шу заиф ҳолимда ҳижронларингда,
Қандай жон сақлайман ахир, муҳаббат!

ЭНАМГА БОРАЙ...

Бугдўйзорим, далам тўла доним менинг,
Тўкин эртан, сандиқ тўла ноним менинг,
Бўталоқдай бўлади-ку жоним менинг,
Менга қўл беринлар, энамга борай.

Қонармиш оловатган Наврўзим,
Ҳей кўкдаги турналар, тизим-тизим,
Энди айтақолай, сизга чин сўзим,
Менга қўл беринлар, энамга борай.

Кўнглимни шод этган тўйлар, базмлар,
Қадди тик, бағри бут дўсту азимлар,
Қалбимдан нур ичган гўзал ачимлар,
Менга қўл беринлар, энамга борай.

Ҳей, чўққидо авонанган лолалар,
Энасиза бормай юрган болалар,
Тилимдан тўкилар шеърини полалар,
Менга қўл беринлар, энамга борай.

Наврўз меҳр бўлди, бориқини тутди,
Ки, кўёш нурали барчага етди,
Қиш бўйи дунёдан илқик қутдим,
Менга қўл беринлар, энамга борай.

Хосият БОБОМУРОВА.

«ХУКУК» ҚАТРАЛАРИ

Қонуи гўё меҳрибон она
Атрофида бўлинг парвона.

Ҳақу хукук ҳаёт сайқали
Истиқлолнинг тирик ҳайкали.

Ҳаёт уммонида «Хукук» бир тўғон
Оқизиб кетолмас ҳар қандай тўғон.

Истиқлолнинг удуғворлиги -
Қонуларнинг устиворлиги.

Қонуи бизга ўғил-қиздек азиз мулк,
Она-Ватан каби улуг, лазиз мулк.
Бизларни посбондек айлар ҳимоя,
Ҳаёти дунёга чироғу фаёз мулк.

ҲАСАН ОТА,
Бекобод тумани.



СОҒИНЧ

Мана яна келди гўлбаҳор,
Қалдирғочлар келмоқда учиб.
Мен юрибман ҳали ҳам дийдор,
Тушларимда бир сени кучиб.

Бойчечаклар чиқди боғларга,
Этмадимми борда қадрига.
Жоним ҳамон телба юрибман,
Очомайин қалбинг қулфини.

Мен-ку, ишқинг ёдила борман,
Едга олиб сени ҳар баҳор.
Тунлари ҳам мен бахтиёрман,
Сени ўйлаб чиқолсам бедор.

Асли сенсиз мен учун қийин,
Гуллар ҳайрон муҳаббатимга.
Фақат аён ўлмоғим тайин,
Содиқ қолиб муҳаббатимга.

Жавоҳир КОМИЛЖОНОВ

ИҚРОР

Сиз кетасиз... Бағрим хувиллар,
Аччиқ тилни койижди кўнглим.
Ва бўйиниға тағналар илар,
У кетди... Туш эмас - ўнгим.

Алам қилар. Қайрилмай кетди,
Этмадимми борда қадрига.
Ўз-ўзини айлайман сўроқ
Тутдимми ҳеч қулоқ қалбига?!

Дил, яна сен қийналар бўлдинг
Айриликка чидашинг керак.
Ўз-ўзини ишонтир, Усиз
Яшамоққа ўрганган юрак.

Бир бор ортага боқмай кетяпти,
Бу дунёда ёлғиз илнзгинга.
Кўзларимда севгининг акси
Қайтармикан менинг севинчим?!

Қалб нигоҳин тунроққа тикинг,
Қорлар босган изни кўрасиз.
Бир бор боқинг, ортага бир бора
Сочи толим қизни кўрасиз.

Менинг оҳим етиб самога,
Пора-пора қилди чокларин.
Эмғир ёғди сиз кетгандан сўнг
Шу ёмғирми юрак дардларим?!

Сиз кетасиз... Бошим гувиллар,
Қайсар тилни койижди кўнглим
Қайтақолинг, қайтинг-ей, энди.
Қайтинг, бегим, мана мен келдим.

Қайтасизми, кўнглимда фарёд
Мабудадек зоҳирим сокин.
Бир дам турғум, қайрилмасангиз
Ортингиздан кетишим мумкин...

Соҳиба ҲАЙИТБОВА,
Боёвут тумани

ВАТАН

Ўлдир,
ичингдаги хоинни ўлдир.
Шавкат РАҲМОН

Ватан. Сен жонимсан. Сен болам.
Ҳайқирсамми, осмон тўлғулук -
Гуллар унар. Уймаса ундир -
Ахир жоним, бу не кўргулук
Ўлдир, болам
Хоинни ўлдир!

Кўрдим. Кўзим, сен деб тирилдим;
Кўрдим, сен деб Бобур болалар -
Дунё тўлар. Тўлмасе тўлдир -
Сўлмай туриб жўмард лолалар

Ўлдир, кўзим
Хоинни ўлдир!

Ўлдир! Кўёш ботмасдан бурун,
Уйғон! Уйғон, ётмасдан бурун,
Сўлса сўлсин. Сўлмасе сўлдир -
Сени қулдай сотмасдан бурун
Ўлдир, жоним
Хоинни ўлдир!

Ватан. Ўзинг жоним. Сен болам.
Сен гуллайсан ҳатто тошимда.
Бўлсам бўлдим, бўлмасам бўлдир -
Ахир бахтинг менинг бошимда,
Ўлдир, болам
Хоинни ўлдир!

ШАВҚИДДИН

ХУҚУҚ

МУСТАҚИЛЛИК

ДЕМАКДИР

ЎЗБЕКИСТОН РЕСПУБЛИКАСИ
ПРОКУРАТУРАСИНING ГАЗЕТАСИ

ХРОНИКА

ТАЙИНЛОВ

Ўзбекистон Республикаси Бош прокурорининг буйруғи билан Мирзафар Мирсалихов Қашқадарё вилоят прокурори этиб тайинланди.

М.Мирсалихов 1955 йилда Қибрай туманидаги Тузел қишлоғида туғилган. Миллати ўзбек. Олий маълумотли ҳуқуқшунос.

Меҳнат фаолиятини 1978 йилда қурувчиликдан бошлаган. 1982 йилда Тошкент Давлат университетининг ҳуқуқшунослик факультетини тугатгандан сўнг, институтда ўқитувчи, вилоят касаба уюшмасида ҳуқуқ масалалари бўйича нозир, қурилиш трестида ҳуқуқ маслаҳатчилик қилган. 1985 йилдан прокуратура тизимига ишга ўтиб, вилоят прокуратураси бўлим прокурори, Республика прокуратурасида прокурор, катта прокурор, бошқарма бошлигининг ўринбосари, бўлим бошлиғи, Тошкент шаҳар прокурорининг ўринбосари вазифаларида фаолият кўрсатган.

1999 йилдан Ўзбекистон Республикаси Президенти девонидида масъул вазифада ишлаган.

стон Республикаси Президенти девонидида масъул вазифаларда ишлаган.

Ўзбекистон Республикаси Бош прокурорининг буйруғи билан Нурмухамедов Бахтиёр Раффович Сурхондарё вилоят прокурори этиб тайинланди.

Б.Нурмухамедов 1955 йилда Сирдарё шаҳрида туғилган. Миллати ўзбек. Олий маълумотли ҳуқуқшунос.

Меҳнат фаолиятини 1977 йилда Жиззах шаҳар прокуратурасида иш ўрганувчиликдан бошлаган. Туман прокуратурасининг терговчиси, Тошкент шаҳар прокуратураси бўлим прокурори, туман прокурорининг ўринбосари, Республика прокурорининг ёрдамчиси вазифасини бажарувчи, бўлим бошлигининг ўринбосари, туман прокурори, пойтахт прокуратурасида бўлим бошлиғи, Тошкент шаҳар прокурорининг ўринбосари, Тошкент вилоят прокурорининг 1-ўринбосари вазифаларида ишлаган.

Ўзбекистон Республикаси Бош прокурорининг буйруғи билан Муҳамедов Шухрат Нигматович Бухоро вилоят прокурори вазифасига тайинланди.

Ш. Муҳамедов 1960 йилда Тошкент шаҳрида туғилган. Миллати ўзбек. Олий маълумотли ҳуқуқшунос.

Меҳнат фаолиятини Республика прокуратураси девонхонаси нозирлигидан бошлаган. ТошДуни таълимлагач, туман прокуратурасида иш ўрганувчи, терговчи, Тошкент шаҳар прокуратурасида бўлим прокурори, туман прокурорининг ўринбосари, туман прокурори, Тошкент вилоят прокурорининг ўринбосари, Республика прокуратурасида бошқарма бошлиғи вазифасида ишлаган.

«Хуқуқ» газетаси ўқувчилари номидан масъул вазифага тайинланган прокурорларнинг ишлариغا муваффақият тилаймиз.


ЎЗБЕКИСТОН РЕСПУБЛИКАСИ ПРОКУРАТУРАСИНING МАТБЕУТ МАРКАЗИ ХАБАР ҚИЛАДИ

Ўзбекистон Республикаси прокуратураси томонидан Республика Давлат солиқ қўмитасининг айрим масъул мансабдор ходимларига нисбатан жиноят иши кўзга тилди.

Давлат солиқ қўмитасининг Самарқанд вилояти бошқармаси бошлиғи Б.М.Ибрагимов мансаб ваколатини суиистеъмол қилиб, жуда катта миқдорда пора олганида гумон қилиниб, шу йилнинг 26 март куни қамоққа олинди.

Мазкур жиноят иши бўйича терговни Республика прокуратурасининг жиноятлари тергов қилиш бошқармаси олиб бормоқда.

Қуни кеча диёри-
мизда кўҳна ва
навқирон айём -
НАВРЎЗ тантаналари кўтаринки
кайфият билан
нишонланди.
Байрам шодийна-
лари ҳали юрти-
мизнинг турли
бурчакларида
давом этмоқда.
Ниятимиз баҳорий
кайфият кўнгилла-
римизни йил бўйи
тарк этмасин.



ФАРМОН ВА ИЖРО

МЕТАЛЛ ЎФИРЛАНИШИДАН ЕТКАЗИЛГАН МИЛЛИОН ЗАРАРЛАР

Ўз халқи манфаатларига зарар етказадиган, мамлакат бойлигига кўз олайтириб, талон - тарож қилиб, ҳатто четга - хорижий давлатларга олиб чиқиб кетилишига воситачилик қилган фуқарони ким деб аташ мумкин?

Президентимизнинг мана шундай ҳолатларнинг олдини олиш тўғрисида қабул қилган Фармони айти мудоао бўлди. Сирдарё вилояти прокуратураси идоралари томонидан Ўзбекистон Республикаси Президентининг 2000 йил 4 март куни «Рангли металлур парчалари ва чикиндилари ўғирланиши ҳамда четга ноконуний олиб чиқиб кетилишининг олдини олиш чора тadbирлари тўғрисида»-ги фармони ижроси назоратга олинди, бу борада текширишлар ўтказилиб борилмоқда.

Гулистон туманидаги Ҳ.Олимжон номли жамоа ҳўжалигида яшовчи Баҳодир Усмонов қамоққа олинганда, ҳамкишлоқлари ҳайратдан ёқа ушлади. Дурустгина одам эди, нима жин урди, деган гап тарқалди. Аслида эса Усмонов халққа ва давлатга зарари тегадиган жиноят содир этган эди. 1999 йилда у жамоа ҳўжалиги ҳудудидаги 4-сонли тик қудўқнинг трансформаторини ўғирлади. Унинг баланс қиймати 370 минг сўм эди. Энди қудўқни ишга тушириш учун 1 миллион сўм ҳам камлик қилади. Қўйдек қовош кўринган сиз кишининг иши ана шундай. У мўмай пул топанан, деб шу жиноятга кўл урди. Ҳозирда Б. Усмонов жазо муддатини ўтапти.

Энди мазкур туманда ўтган йилда қилинган жиноятлар ҳақида сўз юртамиз. «Уч қаҳрамон» жамоа ҳўжалиги ҳудудида 1999 йил 23 декабрда тик қувур трансформатори ва кабеллари ўғирланиб, 336860 сўмлик зарар етказилган. Бу жиноятни И.Нуртоев билан Э.Маҳмудовлар содир этишган. Иккаласи ҳам қамоққа олинди.Энди уларни жазо кўтмоқда. Чунки биринчидан, зарар кўп миқдорда. Иккинчидан, бу жиноятни икки шахс олдиндан тил бириктириб, гараз ниятларда содир этган. Худди шунингдек, туманда яшовчи Неймат Орузқуллов 2000 йил 7 февралда 61500 сўмлик электр симини ўғирлаган. Бу ўғирлик оқибатда давлатга 206690 сўмлик зарар келтирилган.

Бундай рўйхатни яна давом эттириш мумкин. Агар тик дренажлар ва турли сым, ҳамда кабеллар бўйича вилоятда кейинги бир йилда қилинган ўғирликларни батафсил баён этсак, кўз олдимизда дахшатли манзара намўён бўлади. Мазкур иш бўйича ҳозир қўшимча чоралар қўрилмоқда.

Шу нарса ажабланарлики, юқоридаги сингари ўғирликлар Янгиер шаҳри ва Ховос туманида тез-тез содир этилмоқда. Бу ҳолат нафақат ҳўққни муҳофаза қилиш идоралари ҳодимларини, балки, ҳўжалик, корхона раҳбарларини ҳам ҳўшёр тортириши керак. Беарволик, қаровсизлик, давлат мулки учун жавобгарлики ҳис этмаслик тўғайли уларнинг ўғирланишига йўл очиб бераётган кишиларга ҳам тегишли жазо берилишини унутмаслик лозим.

Янгиер шаҳридаги коммунал дренаж ташкилотидида ҳам ўғирлик содир этилган. Номаълум шахслар ерости қувурининг трансформаторини ўғирлаб кетишган, лекин жиноятчилар ҳамон топилишга йўқ. Рағожкин, Трофимов, Васильев, Шукинлар кўплаб метр кабелларни ўғирлаб кетишган. Меҳнатобод туманида ҳам талон-тарож қилинган тик дренажлар, симлари ва кабеллари ўғирланган жойлар бор. Масалан, Янгиер ҳўжалигидан 3510 метр алюмин сым ўғирлаб кетилган. Бу жиноятни содир этган Учқун Самандаров ушларди ва қамоққа олинди.

Янгиобод ширкатлар уюшмасида яшовчи Фанижон Тўрабоев 980 метр алоқа кабелини ўғирлаб, бу жиноят билан давлатга катта миқдорда зарар келтиришидан ташқари қатор идора ва фуқароларнинг бошқа жойлар билан алоқасини маълум муддатга тўхта қолишга сабабчи бўлган. Ака-ука Кузнецовлар ва Бесединлар ҳам шундай жиноятга кўл уришган. Ҳозир улар ҳам сўроқ беришяпти.

Биз ушбу мақолада тик қудўқларни талон-тарож қилишга оид айрим миқдорларни келтирдик, ҳолос. Баъзи шахслар шу даражага бориб етишдики, ҳатто юқори кўчланилиш электр тармоқларидан сым ўғирламоқчи бўлиб, ўз жонларига қасд қилишяптилар. Нега шундай? Нима сабабдан одамлар тик қувурларни, алоқа симларини ва кабелларни ўғирлашга ружу қўйдилар?

Бунинг сабаби шўки, мазкур соҳалар эътиборсиз қолдирилган, мутлақо кўрикланмаётган ҳудудларга айланиб қолган. Айниқса, вилоят иксти-соди, мелеорация учун энг зарур бўлган тик дренажлар масаласини олайлик. Вилоятда 738 та шундай қудўқ бор. Аслида уларнинг ҳар бирига бириктирилган кишилар бор.

Бу соҳани бошқарадиган кўплаб мутахассис ва назоратчилар мавjud. Улар гўё ишламоқдалар, маош ҳам олмақдалар. Амалда эса бу соҳа энг кўп зарар келтирадиган бўлиб қолди.

1999 йилнинг ўзида 43 та тик қудўқ талон-тарож қилинди. Оқибатда мавjud 738 та қудўқдан фақат 408 таси ишга яроқли деб рўйхатга олинган. Аҳвол шу даражага бориб етганки, тик қудўқлар билан шугулланувчи идораларнинг раҳбарлари бу қудўқлар бўйича 1999 йилда ва умуман ўтган барча йилларда келтирилган зарар миқдори қанча, мазкур қудўқларни кайта тиклаш ва таъмирлаш учун ҳозирги нарх-навода қанча маблаг кетиши ҳақидаги ҳисоб-китобларни билмайдилар. Назаримизда бу, ишга энди миллионлар эмас, миллиард сўмлар керак. Ишга шундай муносабатда бўлаётган масъул шахслар келгусида шу лавозимларида ишлаш оқибатлари? Бу савол устидида ҳам мулоҳаза қилиб, бир қарорга келиш вақти етди. Чунки Президентимиз Исрол Каримов яқинда 1999 йил қурулғи ва 2000 йилнинг муҳим вазифалари ҳақидаги маърузасида худди шу масалага алоҳида ургу берди.

Мазкур масалани шу аҳволда қолдириб бўлмайди. Ҳўққни муҳофаза қилиш идоралари, аввало, вилоят, туман ва шаҳар прокуратуралари ходимлари бу долзарб масала билан жиддий шугулланиб, айбдор масъул шахслар олдига қаттиқ ва аниқ талаблар қўядилар.

В.ЙҮЛДОШЕВ,
Сирдарё вилояти прокуратураси
тергов бошқармаси прокурори

